


Yesux Pai Pui Yum Taix Caong



Lukax 5:17-26

Illustrations by Sweet Publishing <http://sweetpublishing.com/>

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)

Puag Pua Pa Koe Plak Khaix Been


Krax pa nih nai krai lao tau -


Pak peung nyiex daux yaong ot ex awm yuh ka mawx? Yuh ding nyiex ka ceu pa tix? Braux nyiex mawh pa yuh ka ceu pa tix?

Pak peung nyiex pa yaox ex daux been in ang awm nyiex ot ex heue. Baux ju Yesux pui khankix yuh nyiex ka tiex glaox. Ding nyiex mai braux nyiex koe jhawk bawng, chix ti hok ku ceu piang braux nyiex heue.

Ka daux been in ex tag mhong grawng pharishie mai cao kaing li khan kix heue. Cub pui in kix mawh cao kaing been li Yudax heue. Kix koe krax chix krax tawng plak grawng pingnyap Mose mai been krax ot krax koe pui ceu Yudax tom nie heue.

Kix yum rhawm ka Siyiex, mai ka can ceu pa koe khawm uik mawh pa phan Siyiex. Viang mawh kawx nan kix ang yum rhawm ka Yesux, pa mawh Kawn Ai Siyiex pa lih ka piang haktiex in heue. Kix khi rhawm ka hawt pui hun khaix Yesux tom nie. Mai kix kawn yum rhawm yuh nin, “ Phan pui tix kaux kaux ah tix mawh Siyiex, mawh pa kied ting phimap chix ti tawx dam yum ka nawh heue.”





¹⁷ Ka daux singaix an khankix Nawh Cao sidiex gau mai Pharishie mai cao gau grawng lox been khankix ngawm dex tan, pa hoik lih hoek khaing yaong ku yaong ka daux meung Galilie mai meung Yudax mai veng Yerusaliem. Sibrawm Simiang Siyiex koe tau mai Nawh sonsang cox jhawm saux moi heue.



¹⁸ Jhak heue, pui viex pui tix kaux pa koe
jhawm saux pa yum taix yum caong pa it
piang ku mai kix sawg ti viex nawh laig ti
een sivoe Nawh Cao heue.




¹⁹ Kix ang yaox dee sang pon viex nawh laig,
kheu cub pui hun, kix tom haok piang nyiex

....



.... mai koi ploi nawh sinax braux khawm ku
it ka sigreung pui sivoe Yesux heue.




²⁰ Yam yaox krax yum rhawm kix, Nawh
Cao ah nin, “Pui eue, hoik pluat phimap
maix heue.”



²¹ Pui tiiem lai mai Pharishie khankix keud ti ah nin, “Kaw pa ah lox salao in mawh mawx? Lheu khaing Siyiex nong nong pui mawx pa chix ploi phimap?”



²² Viang mawh nan Yesux tawng grawh
grawng pa keud pa sawn kix mai ah nin ka
kix, “Pex keud pa yuh ka mawx ka daux
rhawm tix? ²³ Lox pa yuh ka mawx lheu yie
ti ah, hoik pluat phimap maix heue, yie ti ah
lie? Phan ang mawh nan, kaoh mai hu
heue. Yie ti ah lie?”



²⁴ Viang mawh nan, yuh ka mawx pex tak
sang tawng grawh grawng Kawn kawn pui,
koe sibrawm ti chix pluat phimap ka piang
haktiex, Nawh Cao baox ah ka kaw pa yum
taix yum caong an. Aux ah ka maix, kaoh
mai teei kraung it maix mai deeh ing ka
nyiex maix heue.”



²⁵ Nawh kaoh dom mawx dom an, sivoe kix
mai teei kraung it tix mai lih ing ka nyiex
tix, yaogyaw bwanson Siyiex heue.



²⁶ Kix khawmuik kied daox deng kah mai yaogyaw bwanson Siyiex mai kix naog krax lhat graung ah nin, “Ex hoik yaox ceu pa ang sax yaox singaix heue.”

k. Deeh Thawk Theng

1. Mawh kheu jao pa tix pui pon kaux viex paox grawm kix pa mawh pui yum taix caong haok piang braux nyiex?
2. Khaix hoik viex kix pui yum taix caong haok piang braux nyiex, kix huh pa tix?
3. Gumlox pa liang Yesux ti ah ka pui yum taix caong mawh pa tix?
4. Yam mhong Pharishie pa ah Yesux, “Pui eue, hoik pluat phimap maix heue” kix keud huh ka mawx?
5. Khaix hoik tawng Yesux krax pa keud Pharishie Nawh deeh chawk huh ka mawx?
6. Yesux kieh pui yum taix caong huh pa tix? Khaix an lih ti mawh ceu pa tix?
7. Pui khan kix ah huh ka mawx khaix hoik yaox mhai pa daox am in lie?

kh. Krax Pa Doh Rhawm Ka Been

•

1. Mawh kheu jao pa tix pui pon kaux ang dhah rhawm ka viex pui yum taix caong hu ka Yesux?
2. “Pui eue, hoik pluat phimap maix heue” Yesux ah lox in bawg liang kheu jao pa tix? Maix keud huh ka mawx?
3. Yam yum rhawm ex ka Yesux, Nawh huh ceu pa tix son ex?
4. Yie ti pluat phimap lie (a) yie ti pai ka pui pa yum taix caong lie? Mawh kheu jao pa tix?

G. Krax Pa Deeh Shiao Daux Ju Tix Khaing Been

1. Mawh pui mawx pa krai maix mhong grawng Yesux bawg liang?
2. Ex sang chix ghaok (a) chix viex pui hoek ka Yesux yuh ka mawx?
3. Ex koe kraxbsivix tix ceu ceu pa sang kieh Yesux teem ka tix lie?
4. Phan ex hoik tawng tix lud yuh phi map, ex sang chix pon krax pluat ploi phimap yuh ka mawx?

Ng. Ceu Pa Rieb Gau Ex Khaing Been In

1. Pui yum rhawm ka Yesux, caw ti pon viex pui tang kaux tawng ka Nawh.
2. Jao mawh Siyiex pa rug, Nawh chix pluat phimap ex mai chix pai jhawm saux.
3. Yesux tawng krax pa keud ex (awm hoik tawng nawh krax pa keud Pharishie).

Baux Lai Pa Caw Ti Ci

Lukax 5:24 Viang mawh nan, yuh ka mawx pex tak sang tawng grawh grawng Kawn kawn pui, koe sibrawm ti chix pluat phimap ka piang haktiex, Nawh Cao baox ah ka kaw pa yum taix yum caong an. Aux ah ka maix, kaoh mai teei kraung it maix mai deeh ing ka nyiex maix heue.”